

Na osnovu člana 13. stav (2) alineja 17. Zakona o principima lokalne samouprave u Federaciji Bosne i Hercegovine („Službene novine Federacije BiH“, broj 49/06 i 51/09), člana 25. stav (1) alineja 17. Statuta Grada Tuzle (“Službeni glasnik Grada Tuzle”, broj 6/21 i 4/25) i člana 169. Poslovnika Gradskog vijeća Tuzla (“Službeni glasnik Grada Tuzle”, broj 5/22 i 14/24), Gradsko vijeće Tuzla, na sjednici održanoj 31. marta 2026. godine, donosi

ODLUKU
o dopuni Poslovnika Gradskog vijeća Tuzla

Član 1.

U Poslovniku Gradskog vijeća Tuzla (“Službeni glasnik Grada Tuzle”, broj 5/22 i 14/24) u članu 56. stav (3) iza riječi „vanredne“ stavlja se zarez i dodaje riječ „tematske“.

Član 2.

Ova Odluka stupa na snagu danom objavljivanja u „Službenom glasniku Grada Tuzle“.

Bosna i Hercegovina
Federacija Bosne i Hercegovine
Tuzlanski kanton
GRAD TUZLA
Gradsko vijeće
Broj: 01/04-A-4774-2026
Tuzla, 31. marta 2026. godine

PREDSJEDAVAJUĆA

Ana Pejić, BA prava

OBRAZLOŽENJE

Pravni osnov za donošenje Odluke

Pravni osnov za donošenje ove Odluke je član 13. stav 2. alineja 17. Zakona o principima lokalne samouprave u Federaciji Bosne i Hercegovine („Službene novine Federacije BiH“, broj 49/06 i 51/09), član 25. stav 1. alineja 17. Statuta Grada Tuzle („Službenik glasnik Grada Tuzle“, broj 6/21 i 4/25) i član 169. Poslovnika Gradskog vijeća Tuzla („Službeni glasnik Grada Tuzle“, broj 5/22 i 14/24).

Odredbom člana 13. stav 2. alineja 17. Zakona o principima lokalne samouprave u Federaciji Bosne i Hercegovine, propisano je sljedeće:

Gradsko vijeće u okviru svojih nadležnosti:

...

- donosi svoj poslovnik o radu.

Identičnu odredbu sadrži i član 25. stav 1. alineja 17. Statuta Grada Tuzle.

Odredbom člana 169. Poslovnika Gradskog vijeća Tuzla, propisano je sljedeće;

„Izmjene i dopune ovog Poslovnika se vrše po postupku istom kao i za njegovo donošenje.“

Razlozi za donošenje Odluke

Razlog za donošenje Odluke o dopuni Poslovnika o radu Gradskog vijeća Tuzla ogleda se u potrebi unapređenja rada Gradskog vijeća i stvaranja mogućnosti za detaljnije razmatranje pitanja od posebnog značaja za lokalnu zajednicu.

U praksi Gradskog vijeća često se javlja potreba da se određene oblasti od značaja za građane i pitanja iz nadležnosti lokalne samouprave, razmatraju na sveobuhvatan i tematski način. Uvođenjem mogućnosti održavanja tematskih sjednica Gradskog vijeća omogućava se da se pojedina pitanja od posebnog značaja razmatraju na sjednici posvećenoj jednoj ili više srodnih tema, uz detaljniju raspravu i učešće predstavnika nadležnih institucija, stručne javnosti i drugih relevantnih subjekata.

Na ovaj način doprinosi se kvalitetnijem informisanju vijećnika, donošenju zaključaka i preporuka usmjerenih na unapređenje stanja u određenim oblastima, kao i jačanju transparentnosti i efikasnosti rada Gradskog vijeća.

Predloženom dopunom Poslovnika stvaraju se formalno-pravne pretpostavke za održavanje tematskih sjednica, čime se dodatno unapređuje rad Gradskog vijeća Tuzla i omogućava kvalitetnije razmatranje pitanja od interesa za građane.

PREDLAGAČ: Kolegij Gradskog vijeća

OBRAĐIVAČ: Stručna služba Gradskog vijeća

